



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-7389
Sarajevo, 13.12.2018. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 14. i 70. Zakona o javnim nabavkama („Službeni glasnik Bosne i Hercegovine”, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova kantona Sarajevo za 2018. godinu, imenovane Rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku građevinsko zanatskih radova adaptacije objekta Centar za obuku kadrova „Grkarica“ Igman, putem otvorenog postupka, Ministar Ministarstva unutrašnjih poslova Kantona Sarajevo, **d o n o s i**,

O D L U K U

o izboru ponuđača za nabavku za nabavku građevinsko zanatskih radova adaptacije objekta Centar za obuku kadrova „Grkarica“ Igman

I

Na osnovu Odluke broj 01-14-4-7389 od 19.10.2018. godine i Obavještenja o nabavci broj 1364-1-3-52-3-46/18 od 23.11.2018. godine, proveden je otvoreni postupak za nabavku građevinsko zanatskih radova adaptacije objekta Centar za obuku kadrova „Grkarica“ Igman,

Komisija je shodno Zakonu o javnim nabavkama, primjenjujući kriterij "najniža cijena", zapisnikom o pregledu i ocjeni ponuda dala preporuku da se donese Odluka o dodjeli ugovora ponuđaču Sela d.o.o, Sarajevo sa ponudom u iznosu od 124.842,70 KM bez PDV-a.

II

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

III

Ova Odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka broj 01-14-4-7389 od 19.10.2018. godine i obavještenja o nabavci broj:1364-1-3-52-3-46/18 od 23.11.2018. godine, proveden je otvoreni postupak za nabavku građevinsko zanatskih radova adaptacije objekta Centar za obuku kadrova „Grkarica“ Igman te je javno otvaranje ponuda izvršeno dana 13.12.2018. godine u 13.00 sati, što je konstatovano zapisnikom sa otvaranja ponuda od 13.12.2018.godine.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Dostavljanje zapisnika sa otvaranja ponuda je izvršeno prema učesnicima postupka nabavke u zakonskom roku.

Na oglas o javnom nadmetanju, a prema Zapisniku sa otvaranja ponuda od 13.12.2018. godine, Komisija konstatuje da je ponudu dostavio jedan ponuđač i to:

Sela d.o.o, Rajlovačka cesta broj 31., Sarajevo, ponuda pristigla 13.12.2018.godine u 09:48 sati;

Nakon izvršenog otvaranja ponuda, Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve Ugovornog organa u tenderskoj dokumentaciji, odnosno, vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima.

Ponuda ponuđača je dostavljena u zapečaćenoj koverti, sadrži original i kopiju ponude, a obje verzije su uvezane i zapečaćene jemstvenikom.

Ponuda ponuđača Sela d.o.o, Rajlovačka cesta broj 31., Sarajevo:

Cijena ponude je 124.842,70 KM. Obračunati PDV 21.223,26 KM i ukupna cijena za ugovor sa PDV-om 146.065,96 KM.

Cijena je upisana brojevima i slovima na obrascu za cijenu ponude i nacrtu ugovora.

Od strane ponuđača dostavljena je sva potrebna dokumentacija koja je tražena tenderskom dokumentacijom što je detaljnije opisano u zapisniku o ocjeni ponuda.

Predmetna ponuda je kvalifikovana te shodno utvrđenom činjeničnom stanju, **Komisija jednoglasno daje preporuku** ministru Ministarstva unutrašnjih poslova Kantona Sarajevo da donese **Odluku o dodjeli Ugovora za ponuđača Sela d.o.o, Sarajevo.**

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Obavjesti, a u skladu sa članom. 99. i 101. Zakona o javnim nabavkama.

DOSTAVITI:

1. Komisiji za nabavke;
2. Sektor komercijalnih poslova;
3. Odjeljenje za odnose sa javnošću;
4. Ponuđaču;
5. a/a.



MINISTAR
M. Mulabdić



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

